



MØTEPROTOKOLL

Utval:	Levekårsutvalet
Møtedato:	26.03.2026
Møtetid:	09:00 - 12:30
Møtestad:	Austrheim kommunehus, Sætremarka 2, Møterom Børilden

Frammøtte faste medlemmer

Namn	Rolle	Parti	Merknad
Per Lerøy	medlem	AP	
Terje Håland	leder	AP	
Bjarte Næss	medlem	SP	
Renee Hansen	medlem	SAM	
Semmingsen			
Linda Brandtun	medlem	U	
Helge Dyrkolbotn	medlem	U	

Faste medlemmer som ikkje møtte

Namn	Rolle	Parti
Lisbeth Oen	MEDL	U

Frammøtte varamedlemmer

Namn	Rolle	Parti	Merknad
------	-------	-------	---------

Følgjande frå administrasjonen møtte:

Kristin Nesbø	møtesekretær
Britt M. Skålevik Lerøy	kommunedirektør
Trine Merete Jansen	kommunalsjef

Møteprotokollen vert publisert på kommunen si nettside. Den er mellombels godkjent av utvalsleiar eller ordførar i etterkant av møtet, og vert endeleg godkjent i neste møte.

Kristin Nesbø

Møtesekretær

Sakliste

Saksnummer	Sakstittel	Unntak frå innsyn
PS 6/2026	Godkjenning av innkalling og sakliste	
PS 7/2026	Godkjenning av møteprotokoll - frå Levekårsutvalet 19. februar	
PS 8/2026	Eigenevaluering av Levekårsutvalet og medverknadsråd	
OS 4/2026	Orientering til Levekårsutvalet - Rapport skisseprosjekt - nytt helse- og omsorgstun Austrheim kommune - datert februar 2026	
OS 5/2026	Orienteringssak - Levekårsutvalet 26. mars	

PS 6/2026 Godkjenning av innkalling og sakliste

Kommunedirektøren sitt framlegg til vedtak:
Innkalling og sakliste vert godkjent

Sak 6/2026 Godkjenning av innkalling og sakliste
Levekårsutvalet - 26.03.2026

Handsaming:

Utvalseiar Terje Håland spurt kommunedirektøren om det kjem orienteringar under sak 5/26. Det gjorde det ikkje og saka utgår.

Utvalseiar refererte framlegget til vedtak.

Handsaming i møtet:
Samrøystes for kommunedirektøren sitt framlegg til vedtak.

Vedtak i sak 6/2026 Godkjenning av innkalling og sakliste
Levekårsutvalet - 26.03.2026

Innkalling og sakliste vert godkjent

PS 7/2026 Godkjenning av møteprotokoll - frå Levekårsutvalet 19. februar

Kommunedirektøren sitt framlegg til vedtak:
Møteprotokollen frå 19. februar vert godkjent.

Sak 7/2026 Godkjenning av møteprotokoll - frå Levekårsutvalet 19. februar
Levekårsutvalet - 26.03.2026

Handsaming:

Utvalsleiar Terje Håland refererte framlegget til vedtak.

Handsaming i møtet:

Samrøystes for kommunedirektøren sitt framlegg til vedtak.

Vedtak i sak 7/2026 Godkjenning av møteprotokoll - frå Levekårsutvalet 19. februar
Levekårsutvalet - 26.03.2026

Møteprotokollen frå 19. februar vert godkjent.

PS 8/2026 Eigenevaluering av Levekårsutvalet og medverknadsråd

Kommunedirektøren sitt framlegg til vedtak:

Råd og utval kjem med eigenevaluering i samband med oppstart av arbeidet med revidering av politisk reglement.

Sak 7/2026 Eigenevaluering av Levekårsutvalet og medverknadsråd
Eldrerådet - 10.03.2026

Handsaming:

Til punkta om eigenevaluering:

- Gro Johannessen argumenterte for å ha to ulike råd, men at ein kan kutta representant til RMNF.
- Torbjørn Husby argumenterte for at ei innsparing på 35.000 er lite som argument for å slå saman råda.

Gjennomgang av reglementet:

Tore Svendsen kommenterte punkt 18.3:

- Argumenterer for at alle saker bør gå via Eldrerådet dersom dei angår eldre, også om det er saker som berre går for Levekårsutvalet, Formannskapet eller administrasjonen. Noko anna er tenesteforsømmelse.
- Føreslår at ein endrar punktet om at leiar og nestleiar skal veljast for to år, til fire år.
- Føreslår at ein endrar punktet om "alderspensjonist" til 60 år, i tråd med kommunelova § 5-12. Dette vart støtta av Torbjørn Husby og andre.

Tore Svendsen kommenterte punkt 18.3:

- Om det ikkje er krav om å bu i kommunen, må ein kanskje dekkja reiseutgifter til møte då?
- Gro Johannessen kommenterte at det kan jo vera medlemmer som flyttar til Knarvik.

Tore Svendsen kommenterte punkt 18.3:

- Redigera slik at kommunestyret sine representantar ikke er nemnt to gonger.

Tore Svendsen kommenterte punkt 18.3:

- Ta ut punktet om at Eldrerådet skal ha eitt medlem i RMNF. Her kommenterte Gro Johannessen at ein kanskje heller burde sett på om RMNF burde hatt ein representant inn i Eldrerådet, Hege Ramsland støtta at det er meir naturleg med ein representant frå RMNF i Eldrerådet, enn omvendt. Jan Ove Synnevåg sa at dette er eit punkt som nok er godt tenkt, men som ikkje fungerer så godt.

Tore Svendsen tok opp at det kan vera eit tema for Eldrerådet å arrangera informasjonsmøte for eldre eit par gonger i perioden. Dette fekk støtte av dei andre medlemmene, og det vart spelt inn at det kan skje i samarbeid med ulike lag og organisasjonar, og gjerne med innlegg frå kommuneleiinga. Aktuelle tema kan vera kriseberedskap, brannberedskap, eigenberedskap, beredskapsvenn, med meir.

Rådet konkluderte med at dei ønskjer å vera eige råd som i dag, men at det bør gjerast ulik redigering i reglementet.

Handsaming i rådet:

Samrøystes for kommunedirektøren sitt framlegg til vedtak

Vedtak i sak 7/2026 Eigenevaluering av Levekårsutvalet og medverknadsråd
Eldrerådet - 10.03.2026

Rådet konkluderer med at dei ønskjer å vera eige råd som i dag, men at det bør gjerast ulik redigering i reglementet.

Sak 6/2026 Eigenevaluering av Levekårsutvalet og medverknadsråd

Rådet for menneske med nedsett funksjonsevne - 11.03.2026

Handsaming:

Saka vart drøfta.

Framlegg til vedtak i møte:

- Råd for menneske med nedsett funksjonsevne ønsker å halde på organiseringa med tre råd.
- Rådet ønsker med same tal medlemmer.
- Det er viktig at dei ulike brukarorganisasjonane får kome med framlegg til medlem jf. forskrift.
- Saker som vedkjem råda må kome på saklista til det aktuelle rådet. Råd for menneske med nedsett funksjonsevne kan gjerne stille i Levekårsutvalet som tilhøyrarar viss det er saker som vedkjem brukargruppa.

Handsaming i råd for menneske med nedsett funksjonsevne:

Framlegg til vedtak vart samrøystes vedteke.

Vedtak i sak 6/2026 Eigenevaluering av Levekårsutvalet og medverknadsråd

Rådet for menneske med nedsett funksjonsevne - 11.03.2026

- Råd for menneske med nedsett funksjonsevne ønsker å halde på organiseringa med tre råd.
- Rådet ønsker med same tal medlemmer.
- Det er viktig at dei ulike brukarorganisasjonane får kome med framlegg til medlem jf. forskrift.
- Saker som vedkjem råda må kome på saklista til det aktuelle rådet. Råd for menneske med nedsett funksjonsevne kan gjerne stille i Levekårsutvalet som tilhøyrarar viss det er saker som vedkjem brukargruppa.

Sak 5/2026 Eigenevaluering av Levekårsutvalet og medverknadsråd
Levekårsutvalet - 19.02.2026

Handsaming:

Per Lerøy oppfordra til å laga ei tidslinje for dette evalueringsarbeidet, og at ein tek sikte på at dette er avklart i løpet av 2026, med tanke på at kommunestyret så kan avklara saka i tide før nominasjonsprosessar og arbeidet fram mot kommunevalet i 2027.

Terje Håland oppfordra til å sjå evalueringa opp mot det arbeidet som vart gjort i kommunestyret før etablering, der det var oppe ulike framlegg, alt frå å ikkje ha utval i det heile, til å ha tre utval.

Helge Dyrkolbotn sa at ein i dette arbeidet også må sjå på korleis administrasjonen har jobba inn mot dette utvalet.

Renee Semmingsen etterlyste at dette utvalet burde fått meir grundige orienteringar på eit tidlegare tidspunkt enn i kommunestyret, slik at dei som er med i Levekårsutvalet rekk å jobba med sakene før det skal handsamast vidare.

Terje Håland ba om at medlemmene i utvalet kjem med tilbakemeldingar fram til neste gong denne saka kjem opp, slik at ein har noko å diskutera konkret rundt, alt i frå tal medlemmer til korleis utvalet skal samansettast. Så kan ein jobba vidare med dette, enten i neste møte eller seinare.

Håland sa at i neste møte vil nok nytt helse- og omsorgstun vera ei viktig sak, slik at dette med evaluering neppe er tid til å ta der.

Utvalseiar Terje Håland refererte framlegget til vedtak.

Handsaming i møtet:

Samrøystes for kommunedirektøren sitt framlegg til vedtak.

Vedtak i sak 5/2026 Eigenevaluering av Levekårsutvalet og medverknadsråd
Levekårsutvalet - 19.02.2026

Levekårsutvalet jobbar vidare med eigenevalueringa, og kjem tilbake til saka i eit seinare møte våren 2026.

Sak 8/2026 Eigenevaluering av Levekårsutvalet og medverknadsråd
Levekårsutvalet - 26.03.2026

Handsaming:

Leiar Terje Håland (Ap) - la fram saka og refererte til liste med punkt som er sendt ut til medlemmene og som vedlegg i saka.

Nokre av punkta var drøfta i møte:

-Samansetning av utvalet - tal medlemmar, uavhengige osv.

- Renee Semmingsen (SAM) - Positivt at vi har ei felles varaliste og at vi har hatt med to uavhenige medlemmer, men Samlingslista ønsker at det skal vere eit reint folkevald parti.
- Helge Dyrkolbotn (Uavh) - Det kan kanskje vere vanskeleg å delta viss ein ikkje har politisk erfaring og politisk tilhøyringheit.
- Linda Brantun (Uavh) - Kanskje ein fordel å vere del av partigruppe, men det er faktisk litt greit å vere uavhengig og bidra inn i utvalet. Kanskje kan det vere med på å drive diskusjonen vidare. Kunne gjerne hatt fleire frå helse.
- Per Lerøy (Ap) - Levekårsutvalet har fungert godt. God tone, alle har bidratt inn. Samansetning på sju personar har vore god. Vi må få folk til å prioritere møte, det gjeld ikkje berre her. Når du har sagt ja til eit verv, må du stille opp og ta rolla.
- Renee Semmingsen (SAM)- Vi folkevalde må sikre oss at lista vi stiller har med folk som ønskjer å engasjere seg. Når folkevalde er med kontinuerleg får ein meir flyt i sakene.

-Samarbeidet med administrativ leiding (kommunedirektør og kommunalsjefane) og avlasting av formannskap og kommunestyre.

- Helge Dyrkolbotn (Uavh) - administrasjon har ikkje heilt funne ut kva deira rolla er mot levekårsutvalet. Vi kunne avlasta kommunestyret meir om sakene var meir førebudd til utvalet. Det er administrasjonen som skal ha kunnskapen, førebuing og etterarbeid på saker som skal handsamast.
- Terje Håland (Ap) - Skal vi ha ein levekårsutval vidare må samspelet fungere.
- Linda Brantun (Uavh) - Tilbakemeldingane frå administrasjon har vore sprikande. Informasjonen må kome til utvalet.
- Terje Håland (Ap) - Når det gjeld avlasting har vi berre delvis levert. Kommunestyret treng også å bli vant med at utvalet finnes.

- Renee Semmingsen (Uavh) - Kommunestyra var lange, det var noko av grunngjevinga for utvalsmodellen.
- Bjarte Næss (Sp) - Må sjå på grunngjevinga for etablering av utvalet. Vi etablerte eit utval og hadde tanker om det, men det er ikkje følgt opp med saker. Det har blitt slik at utvalet finn arbeidsvegen sjølv.
- Helge Dyrkolbotn (Uavh) - Vi treng dialog med kommunedirektøren om korleis skal dette fungere - samspelet administrasjon og utval, og saker som ikkje kjem til utval.
- Per Lerøy (Ap) - Administrasjonen må ikkje tenke berre formannskap og kommunestyre, dei må tenkje gjennom heile den politiske handsaminga.
- Bjarte Næss (Sp) - Avlasting av kommunestyret, det kan bli rart om ein fjerner orienteringane i kommunestyret og berre har det i levekårsutvalet.
- Terje Håland (Ap) - Det er todelt, mindre saker har vore uproblematisk å ta i utvalet. Tidstjuven i kommunestyret er dei lange orienteringane.
- Per Lerøy (Ap) - Levekårsutvalet kunne vore ei avlastning der. Leiar i levekårsutvalet kunne ta saker vidare til kommunestyret.
- Bjarte Næss (Sp) - Det handlar om at Levekårsutvalet bør gi ei nøytral vurdering vidare. Viss dei får vite kva vi har forkasta og kva vi har teke med vidare vert det enklare.

Leiar i utvalet ber administrasjon om eit møte for drøfting av samhandling mellom administrasjon og utvalet.

Framlegg til vedtak:

Medlemmene i Levekårsutvalet sender ytterlegare framlegg/innspel til eigenevaluering til leiar som samanfattar eit forslag til vedtak til møte i mai.

Utvalsleiar Terje Håland refererte framlegget til vedtak.

Handsaming i møtet:

Samrøystes framlegg til vedtak.

Vedtak i sak 8/2026 Eigenevaluering av Levekårsutvalet og medverknadsråd

Levekårsutvalet - 26.03.2026

Medlemmene i Levekårsutvalet sender ytterlegare framlegg/innspel til eigenevaluering til leiar som samanfattar eit forslag til vedtak til møte i mai.

OS 4/2026 Orientering til Levekårsutvalet - Rapport skisseprosjekt - nytt helse- og omsorgstun Austrheim kommune - datert februar 2026

Kommunedirektøren sitt framlegg til vedtak:
Levekårsutvalet tek orienteringa til vitande.

Sak 4/2026 Orientering til Levekårsutvalet - Rapport skisseprosjekt - nytt helse- og omsorgstun Austrheim kommune - datert februar 2026
Levekårsutvalet - 26.03.2026

Handsaming:

Levekårsutvalet som styringsgruppe for nytt helse- og omsorgstun.

Sweco ved Johan Löfstedt og Silje Tombre.orienterte om rapporten, jf. vedlegg i saka.

- Begge tomtene er handsama likt og det kjem to like forslag for å gi eit grunnlag for samanlikning.
- Fokus på ressursbruk over tid, samlokalingsering av tenestene og trivsel for brukarar og tilsette.
- Konklusjon er at begge tomtene er mogleg å bruke til nytt helse- og omsorgstun, men det er ulike premisser.
- Brukarmedverknad for å forstå brukaren og behovet i Austrheim.
- Ombruksvurdering av Nordliheimen og bærekraftsprogram er også med i rapporten.
- Samlokalisering av omsorgsbustader og sjukehiemsplasser

Side 31 - del 4.2 - Furulyvegen, her er det blitt bytta om på det som er rolig og aktiv del.

Etter presentasjon var det spørsmål frå styringsgruppa og svar frå Sweco:

Per Lerøy (Ap) - Det er to interessante skisseprosjekt. Kommunen har fått eit godt fundament for å jobbe vidare. Økonomi: Egenfinansiering blir viktig. Tilskotsordningar frå Husbanken med meir vil vere avgjerande. Er kostnadane inkludert mva.?

Svar: Kvadratmeterprisen er inkl. mva.

Helge Dyrkolbotn (Uavh.) - Ein god presentasjon og spennande å sjå. Er reguleringsplan for området Furulyvegen med i prisen.

Svar: Ja reguleringplan er med i prisen.

Linda (Uavh) - Det ser veldig bra ut. Spørsmål om myrproblematikk og struping. Kva er fleksibiliteten med flytting for å imøtekomme eventuelle krav her?

Svar - Det er fleksibelt når det gjeld flytting av bygget i det området.

Per Lerøy (Ap) spørsmål til kommunedirektøren: Kor står prosjekta frå Allstad og Coop i forhold til omsorgsplussbustader?

Kommunedirektør Britt Lerøy svara at begge kjem med framlegg før sommaren. Coop-prosjektet blir presentert i neste kommunestyremøte.

(Kl. 10.30 Renee Semmingsen trådde mellombels ut av møte.)

Terje Håland (Ap) - Austrheimsvegen har litt lenger byggeperiode grunna drift av sjukeheimen. Når ein er ferdig med byggetrinn ein og går i gang med to vil ein vere avhenging av eksterne løysingar i den perioden?

Svar: Kjøkken er den funksjonen der kommunen må leige inn teneste i ei overgangsperiode, eventuelt med tilkøyring av mat. Dei andre funksjonene skal det ikkje vere nødvendig å leige inn i perioden.

Per Lerøy etterspurte kor tid rapporten kom, og meinte leiar av styringsgruppa burde fått den tidlegare, men sa vi har framleis tid framover til juni.

Etter presentasjon frå Sweco vart vidare arbeid drøfta:

Kva som skjer med prosjekta til Allstad og Coop/Boligsenteret vil ha noko å si for det vidare arbeidet.

Skal styringsgruppa si noko om arbeidet vidare, må dei blant anna vite meir om desse prosjekta. Administrasjonen er tettare på desse aktørane og Sweco, og har slik grunnlag for å lage saksutgreiing til neste møte, men styringsgruppa bør møte i kommunestyret 9. april for å få med seg presentasjonen frå Coop.

Arbeidet bør gå vidare slik at prosjektet klart når den økonomiske situasjonen blir betre.

Styringsgruppa sitt mandat var å sjå på tomtealternativa, det er gjort og det neste blir at styringsgruppa som rådgjevande organ leverer ei innstilling til kommunestyret, deretter vert det opp til administrasjonen og levere vidare plan.

Per Lerøy (Ap) dette treng vi:

1. Økonomisk oppstilling, der kostnadene er delt opp slik at det viser tilskot og reelle kostnader for kommunen.
2. Orientering om prosjektet til Allstad.
3. Orientering om prosjektet til Coop/Boligsenteret.

Linda Brandtun (uavh) - ønsker eit tilleggspunkt: Uttale frå heimetenesta om korleis statusen og behovet for omsorgsbustader er no.

Dei andre slutta seg til desse fire punkta.

(Kl.11.20 Renee Semmingsen er tilbake i møte)

Utvalsleiar Terje Håland refererte dette framlegg til vedtak:

Levekårsutvalet tek orienteringa frå Sweco til vitande og ber om følgjande punkt vert teke med i utgreiinga til saka som skal opp seinare i vår:

1. Økonomisk oppstilling, der kostnadene er delt opp slik at det viser tilskot og reelle kostnader for kommunen.
2. Orientering om prosjektet til Allstad.
3. Orientering om prosjektet til Coop/Boligsenteret
4. Uttale frå heimenesta om korleis statusen og behovet for omsorgsbustader er no.

Handsaming i møtet:

Samrøystes for framlegg til vedtak.

Vedtak i sak 4/2026 Orientering til Levekårsutvalet - Rapport skisseprosjekt - nytt helse- og omsorgstun Austrheim kommune - datert februar 2026
Levekårsutvalet - 26.03.2026

Levekårsutvalet tek orienteringa frå Sweco til vitande og ber om følgjande punkt vert teke med i utgreiinga til saka som skal opp seinare i vår:

1. Økonomisk oppstilling, der kostnadene er delt opp slik at det viser tilskot og reelle kostnader for kommunen.
2. Orientering om prosjektet til Allstad.
3. Orientering om prosjektet til Coop/Boligsenteret
4. Uttale frå heimenesta om korleis statusen og behovet for omsorgsbustader er no.

OS 5/2026 Orienteringssak - Levekårsutvalet 26.

marsKommunedirektøren sitt framlegg til vedtak:

Levekårsutvalet tek orienteringa til vitande.

Sak 5/2026 Orienteringssak - Levekårsutvalet 26. mars
Levekårsutvalet - 26.03.2026

Handsaming:

Det var ikkje fleire orienteringar i dette møte.